





建昌右營轄蘇州白露等處四番





二 16  
號 2242  
卷 7

建昌右營轄蘇州白露等處西番婦



虛朗土百戶

本朝康熙中歸化於雍正六年改土歸流冕寧  
縣之蘇州土千戶白露仍設土目約束之越  
雋衛之松林白石野猪塘等土千百戶亦同  
時歸化皆西番種也在冕寧者風俗服食與  
內地無異務農力作按畝輸賦在越雋者男  
青布裹頭帶耳環著褐衣外披青氈織草為  
履出必佩刀性朴實勤耕作婦挽髻束以紅



布又別綴幅布於髻上飾以珠石短衣麻襦  
 肩帔用五色帛布緣之亦能紡織每歲輸雜  
 糧於寧越營

建昌鎮屬越嵩等營轄九枝門呆結惟土番





建昌鎮屬越雋等營轄九枝門杵結惟土番婦



越雋衛九枝門杵結惟各土番其先傳為江  
 南人明洪武間以罪安置其地者依山而居  
 以竹木為屋頗事耕牧性悍多疑男椎髻插  
 銅簪衣短褐披黑氊束帶佩刀婦挽髻裹青  
 帕飾以珠石耳環下結線穗垂之衣裙多與  
 沿邊民婦相似其牛馬羊豕有稅俱于越雋  
 衛輸納



越嵩等營轄印部暖帶等處西番銀羅



皇清職貢圖



皇清職貢圖 卷六  
越雋等營轄印部暖帶等處西番猓羅



印部本漢印部地元置安撫司明洪武中嶺

真伯來歸授指揮使

本朝康熙年間嶺氏歸化授宣撫司世襲又煖  
帶土千戶煖帶密土千戶皆嶺氏後同時歸  
化者所管西番猓羅二種男子椎髻裹青布  
帕短褐羶衫佩刀執槌婦人以青布作大帽  
覆髻垂幅向後束紅帛于額間長衫短裙皆  
跣足耕作暇則績毛線以織褐印部煖帶密



向無貢賦惟煖帶於寧越營折輸貢為銀八

兩

建昌鎮屬會鹽等營轄亦別馬喇等處麼些





建昌鎮屬會鹽等管轄瓜別馬喇等處麼些婦



鹽源縣瓜別安撫 馬喇長官司及兒斯瓦  
 尾等十三土司所管麼些本滇夷種多處山  
 澗以板為屋男子以帕裹首耳綴大環短衣  
 披羊裘以褐纏脛繫牛草於足底婦女首裹  
 藍帕長衫布裙知耕作績牛羊毛以織褐歲  
 輸菽麥於會鹽營



會鹽營轄右所土千戶猓獮





會鹽營轄右所 千戶猓羅婦



鹽源縣右所土千戶居喜得寨所管猓羅推  
 髻短衣佩刀跣足常繫竹筒于腰婦女挽髻  
 束布帕衣裙亦同近邊民婦性頑黠頗知耕  
 牧織作歲輸菽麥為賦



建昌鎮屬懷遠營轄虛朗等處猓獮





建昌鎮屬懷遠營轄虛朗等處猓羅婦



冕寧縣虛朗等處土司多西番種亦有猓羅  
 服食與右所記處略同性頑狡喜鬪出必操  
 弓弩頗以耕種為業婦女多不事紡織常沿  
 河捕魚以食



會鹽營轄中所土千戶狝獠夷人





皇清職貢圖 卷六  
會鹽營轄中所土千戶狍獍夷婦



鹽源縣中所土千戶所管葦芝蘆三處狍獍

夷人

本朝康熙中歸化性頑劣善用弩以射獵為食

亦知耕作男子椎髻著麻布短半臂婦挽髻

于頂餘垂兩耳著麻布衣短裙披羊皮常持

刀入山川薪歲輸菽麥于會鹽營



會川營轄通安等處擺夷





會川營轄通安等處擺夷婦



擺夷即白夷本滇中種通安者保披沙各土  
 司俱有之性柔畏寒嗜酒出必佩刀荷笠男  
 子以布裹頭短衣跣足婦女挽髻以皂帕抹  
 額綴以珠石仍常戴竹笠短衣長裙跣足嗜  
 吸煙草以六月二十四日為大節羣飲必醉  
 疾病惟卜禳頗勤耕織歲赴會理州納屯糧  
 以供兵食



會川營轄黎溪等處棘人





會川營轄黎溪等處彝人婦



會理州黎溪土千戶普隆紅卜苴各土百戶  
俱

本朝康熙中歸化多獮獠種類其彝人則滇種  
也勤于紡織居處山岡土沃民勤男子以青  
布裹頭衣服與內地同婦女亦然常攜麻線  
至內地貿易其山田按畝起糧赴會理州輸  
納



會川營轄迷易普隆寺等處擺夷





會川營轄迷易普隆寺等處擺夷婦



迷易所上平廣安氏本滇之景東府擺夷種  
 也康熙中歸化居多茅屋以耕種為業與民  
 人村落相聯屬男女服食亦相似性馴而多  
 疑風俗淳樸歲輸糧賦



永寧協右營屬九姓苗民





永寧協右營屬九姓苗婦



瀘州九姓長官司任氏自明洪武時內附授  
職世襲

本朝順治初歸化設學校師儒風俗淳樸苗民  
椎髻裹青布帕著花布衣披椶櫚皮跣足勤  
于耕常吹竹筒笙為樂苗婦挽髻以青布作  
帽束以花巾著大袖花布短衣緣邊花裙恒  
持傘以行其編戶五百餘輸賦三百餘兩每  
三年供馬二匹



普安等營轄雷波黃鄉夷人



皇清職貢圖  
卷六



普安等營轄雷波黃螂夷婦




雷波衛本阿照部落明洪武初內附賜姓楊氏黃螂所本噶哈部落亦明初承襲俱于

本朝康熙中歸化雍正六年改設衛所惟雷波  
 長官司妻河氏授土千總職管谷堆等處生  
 番仍令世襲其地多裸獮男椎髻去鬚僅留  
 額下髭鬚笠布衣以朱漆塗革帶佩刀裹囊  
 婦挽髻裹青帕耳綴銅環著長衣細摺裙行  
 必荷笠頗勤耕作按編戶輸糧



馬邊營轄蠻夷長官司夷人





馬邊營轄蠻夷長官司夷婦



屏山縣蠻夷長官司亦猓獮種類明洪武初  
授以土職

本朝順治九年歸化三年貢馬一匹以銀代之  
亦輸糧于官其人多居峻嶺巖阿上下便捷  
男椎髻裹青布帕短衣披羶衫勤于耕作婦  
挽髻以青布作平頂帽交纏藍布長帶飾以  
珠石項掛素珠衣裙俱緣邊跣足不履頗習  
紡織



奉寧協山營轄沈邊番民





皇清職貢圖 卷六  
泰寧協左營轄沈邊番婦



沈邊長官司余氏本江西人明初隨征有功  
授百戶

本朝康熙中歸化授長官司世襲番民多以板  
為屋男婦多以花褐為衣性淳良勤耕織地  
當西藏打箭爐之衝往來背負茶包獲傭直  
以資衣食歲輸稅銀五十兩



泰寧協左營轄冷邊番民





泰寧協左營轄冷邊番婦



冷邊長官司其先惡地者本西番瓦部明初  
授都綱後改長官司

本朝順治中歸化番民附居內地風俗服食大  
畧相同男子花布裹頭綴環于耳婦女常以  
手帕圍項長衣摺裙腰帶間繫色布一幅拖  
之頗勤耕作





泰寧協右營轄大田西番民





秦寧協右營轄大田西番婦



大田土司所轄有西番本後漢馬岱之裔世  
為宣慰司明末力拒張獻忠

本朝順治九年歸化後因馬氏無繼嗣改歸清  
溪縣管轄而夷眾構釁復選土百戶以統束  
之番民首裹白布帕著麻布短衣披氊衫以  
白布纏腰番婦挽髻垂辮著青布短衣白布  
繫腰常以酒自隨勤于耕作歲輸地丁于清

溪縣



泰寧協右營轄大田猓獮





泰寧協右營轄大田猓獮婦



大田猓獮亦後漢馬岱之裔世與西番同為  
 大田宣慰司所轄其沿革亦同男挽髻裹青  
 帕布衣披氈衫女著長衣半臂繫五色褐裙  
 束織花褐帶勤于耕織亦于清溪縣歲輸地  
 丁銀兩







泰寧協標右營松坪夷婦



松坪在明初為黎州安撫馬氏土舍所轄皆  
裸獮種類

本朝康熙中歸化授土千戶歲輸地丁銀兩夷  
人椎髻裹青帕或編竹為帽盡去髭鬚披氊  
衫繫草帶夷婦辮髮挽雙髻以青布為高冠  
復以色帛交束之衣裙類民婦其俗習强悍  
能自造牛皮甲胄木弓竹箭



泰寧協屬黎雅營轄木坪番民





泰寧協屬黎雅營轄木坪番婦



木坪土司明為董卜韓胡宣慰司

本朝順治九年歸化番民居處多壘石為碉房  
男雜髮留辮戴圓頂氈笠著長衣披紅偏衫  
番婦盤髻垂雙辮于額前交挽之著大領短  
衣細摺長裙拖繡帶勤于耕織崇釋信鬼俗  
尚儉樸歲貢馬四匹豆五十石俱折色交納







泰寧協屬阜和營轄明正番婦



明正土司其先本打箭爐番目明永樂間授  
宣慰司

本朝康熙中歸化轄土千戶四十九員番民奉  
佛以耕牧為業居碉房戴狐皮帽耳綴大環  
長衣皮靴常以銅合貯小佛像及經咒繫肘  
腋間番婦挽髻束以絳帛雜綴珠石戴狐皮  
纓帽著大領短衣細摺長裙腰拖繡帶足履  
繡鞋頗知紡織歲輸稅銀一百五十餘兩



阜和管轄德爾格特番只





皇清職貢圖 卷六  
阜和營轄德爾格特番婦



德爾格特本西海番部土目

本朝平定西藏時歸化授安撫司尋加授宣撫  
司番民性勇悍善騎射饒畜牧戴狐皮帽著  
布褐長衣佩刀番婦辮髮以絳帕抹額雜綴  
珠石短衣長裙前繫緣邊色帛一幅能織褐  
歲輸稅銀二百八十兩冬春間常以牛馬皮  
革赴打箭爐易茶



泰寧協屬裏塘番民





泰寧協屬裏塘番婦



裏塘宣撫司

本朝康熙中歸化雍正七年設宣撫司一員副  
 土司一員其更替于頭人內拔補所居多硯  
 房番民皮帽毛褐長衣佩刀番婦辮髮續以  
 牛毛綴珠石為飾著大領長衣五色布裙其  
 地寒不宜耕種皆以畜牧為生計性頗質樸



泰寧協屬巴塘番民





皇清職貢圖 卷六  
泰寧協屬巴塘番婦



巴塘宣撫司一員副土司一員俱于雍正七  
年授職遇事故則選擇頭人充補番民衣飾  
與裏塘相似逢歲時佳節具酒肉跳盪歌舞  
以娛賓客其地較裏塘溫暖人亦多務農業



早和營轄草什咱番民





阜和營轄草什自番婦



草什咱安撫司

本朝康熙中歸化番民依山建棚以居戴羊皮  
帽短衣短裙外披毛褐出入必佩刀執械番  
婦髮綰雙髻插鐵簪長尺許短衣長裙頗習  
耕織遇大計之歲于泰寧協折納馬價銀八  
兩又有巴底巴旺安撫司居處服食相似亦  
同時歸化者



阜和營轄綽斯甲番民





阜和營轄綽斯甲番婦



綽斯甲安撫司

本朝康熙中歸化番民居碉房皮帽褐衣短裙  
 大帶番婦披髮垢面耳綴大環短衣長裙足  
 著革履性詭譎嗜酒貪利出必佩刀械遇大  
 計折納馬價與草什咱同



阜和營轄霍耳章谷等處番民





阜和營轄霍耳章谷等處番婦



霍耳章谷孔撒等九土司俱于

本朝平定西藏時歸化各授安撫長官等職番  
 民多居山巔碉房戴狐帽著毛褐長衣亦有  
 衣帛者革帶皮靴馳馬射獵番婦披髮繫松  
 石為飾短衣長裙前繫幅布能織褐



阜和營轄納滾番民



Blank space with vertical lines for writing.



阜和營轄納滾番婦



納滾安撫司

本朝康熙中歸化番民居碉房戴狐皮帽耳綴  
 大環著毛褐長衣佩刀番婦披髮抹以紅帛  
 結珠石為纓絡垂之著大領褐衣繫五色褐  
 裙習俗强悍以耕牧為生冬春間多取野獸  
 皮革赴裏塘打箭爐市易無貢稅



阜和營轄春科番民





阜和營轄春科番婦



春科安撫司一員副土司一員高日長官司  
一員俱于

本朝雍正六年歸化其地與霍耳等處諸番接  
壤居處服食亦相似惟衣裘多有用虎皮者  
歲輸稅銀有差副土司無稅



阜和營轄納奪番民





阜和營轄納奪番婦



納奪安撫司

本朝雍正六年歸化番民雜髮留辮戴深簷纓  
帽染黃羊皮或虎皮鑲之衣毛褐及無面羊  
裘束帶佩刀以耕牧為生番婦披髮以松石  
為飾耳綴大環著短衣繫五色細摺裙能織  
褐歲輸稅銀十餘兩



阜和營轄上下瞻對番民





阜和營轄上下瞻對番婦



上瞻對長官司下瞻對安撫司俱

本朝雍正六年歸化地多高山峭壁番民居硯  
房椎髻戴黃羊皮帽著毛褐長衣佩刀性貪  
而狡每以打牲為名掠奪近界番婦蓬首不  
櫛惟剪額髮露面亦綴珠石為飾短衣長裙  
能織毛褐



阜和營轄瓦達餘科等處番民





阜和營轄瓦述餘科等處番婦



瓦述餘科等七土司俱

本朝雍正六年歸化各授安撫長官等職番民  
 居處帳房就水草畜牧戴皮帽綴耳環褐衣  
 佩刀貪利好殺每以打牲為名攘竊裡塘等  
 處番婦服飾與裏塘相同能牧牛羊織毛褐  
 歲輸稅銀有差



阜和營轄咱里番民





阜和營轄咱里番婦



咱里土千戶其先阿交者於明洪武初授土

司職

本朝康熙中進勦西爐以糧運功仍授土千戶

番民耳綴大環褐衣草履多以負運茶包為

生番婦盤髻著大領長衣束帶前繫花布一

幅性嗜酒勤耕作歲輸稅銀九兩零







